

仁和湯西厓先生撰

懷清堂集

寶笏樓藏板

江自束髮學爲詩卽知詩以氣韻爲主旣而見湯西厓先生使黔集其氣韻清遠鮮潤超然絕塵慨然思讀先生全集奉以爲鵠會項丈霜田袖詩一冊不著名氏徧示座客令識別爲何人詩皆莫對江曰此必西厓先生詩也項曰於何知之江曰以氣韻知之項笑而頷之時江雖深服膺先生而方且爲窮諸生顧瞻玉堂如在天上末由摳衣先生之函丈而聆警效康熙戊戌倖厠館選而先生適以小宰掌翰林院事乃深慰平生之願而執贄於先生之門未幾江以終養乞歸不克長奉先生教誨逮再入都而先生已言歸道山矣追思先生游息之所草樹蒼鬱疊石有巖

叙間意二十年來邸第頻易主每過之不勝西州之慟又  
白<sub>吻</sub>使獲早著籍先生門下或詩學差有成不類廢至此  
先<sub>山</sub>之集久未流布而海內言詩者風會一變其最宗師  
者率鋪陳排比競巧於字句之間而氣韻置之不講<sub>江</sub>雖  
不能詩然未敢隨聲附和以步趨其後塵今年秋汪徵士  
抱樸刊先生遺集告成徵士爲先生愛壻若李漢之於昌  
黎不朽盛業賴編次以傳久遠謂<sub>江</sub>嘗從先生游也命綴  
詞簡末<sub>江</sub>自惟樛昧於先生無能爲役然竊念自弱冠以  
來傾慕先生茲得廁名於先生集中不可謂非厚幸遂不  
辭其僭而爲之序乾隆壬戌十月八日鄭江拜書

西冷自十子倡詩以來談藝者稱為盛事然不外襲裳  
初盛沿習有明王李之舊得形遺神未為詣極惟少宰  
湯公起而為詩如海山仙人餐天漿飲沆漚離去五濁  
飄然獨絕一時風雅之士竭馳騁之能欲追躡後塵不  
可得也及官中朝歷卿貳名滿天下準之詩人惟唐之  
香山宋之眉山足相頡頏然白傅位尚書居洛下聲價  
重于雞林可謂榮矣而九江遷謫淪落青衫當潯陽月  
夜豈能免商婦琵琶之感哉至於坡公身後之名自垂  
不朽而生前坎坷羈孤絕域縱海外文章益光日月夫  
且竄名黨籍身為元祐之累臣亦可悲矣若公則受知

聖主寄任股肱甚至稱為詩伯而不名是公之聲望與  
香山眉山相同而遭遇之隆則蘇白所未能同也鍾生  
依公里仰公之清輝而未見及游京師值公已踈道山  
不獲一展後進之禮想公當時所謂影纓簪組之士曳  
裾公門以待嚔拂者指不勝數今公歿未遠而風流歇  
絕求為西州之慟者百得一二今昔盛衰之感可勝言  
哉鍾雖不能詩而嗜公詩如豐年之珠玉遂登之剗廁  
以傳永久使天下有井水處皆得誦公之詩此亦後進  
之責也已乾隆七年七月望日黃鍾拜書

懷清堂集先外舅少宰公詩總名也公沒二十年集未出

行世

臺

恐終散失日夜滋懼昔昌黎集得壻李漢而傳

臺

於漢遠不逮懼更多媿里中黃秋官朗亭悉余情且悉少

宰公詩不可不傳出金開雕而

臺

董是役讎校經三載得

二十卷撿羅遺失十之一去酬答者十之五六倣竹垞翁

騰笑集意也集成

臺

何敢序公詩然

臺

爲公門下壻公之

著作

臺

知之獨深敢不紀其略公少時已刻庚申集後悔

少作棄去嘗語

臺

云作詩道性情可作詩近名急剗不

可蓋詩有不盡愜意處他日可改抹一鏗板便不能所謂

良工不示人以璞焉可不慎厥後使黔集再三推敲而成

始無遺憾後二十年

臺

嘗侍杖履屢以續刻請公云尙須

暇時商定又嘗語

臺

云予講求作文終不能與古韻頽刻

意作書意欲到而筆不隨今老矣二者皆不能肆力惟詩

尙有足觀者公旣自信人亦共信公而公尙慎于問世如

此公詩凡三變使黔集純乎蘇長公遼海集老橫直追杜

少陵晚年化畛域爲烟雲絕似白香山古澹統於二十卷

不編年者丁亥以前

臺

尙小年攷之未悉丁亥後在大梁

時親承指誨日見哦吟是時

臺

僅十五六歲耳雖未得窺

閫奧然絕愛聽洛下之詠誦聲出金石竊效之步元韻幕

府賓客喜持以獻公本不知

臺

學作詩亦未知詩爲何人

所作頗稱許既廉知之又戒云宜專事舉子業毋兼營殆  
重入詞林一詩出人爭購之都下傳鈔至家自爲集公詩  
之足重於並世已然接葉亭花月夜往往與臺一人談至

漏下三十刻指云如此好月風來竹動大有詩境亦有詩  
情苦人生草草閱過汝是秀才中僑胥足以語此若宅人

恐語亦未領悟臺蒙公獎飾逾分而今一無成就窮老里

聞負公實甚人固不可以窮達動其心然獨守一已事事  
不能兼爲卽如此集亦必問之友朋而始成可慨也夫雖

然臺幸矣書成臺得附名以傳何一非公之成就哉公茆

之生前又挈之身後臺獨見知公之深而公亦許可臺爲



不誣也壬戌秋九月門下壻汪<sub>臺</sub>拜手謹序

懷清堂集目次

第一卷

古今體四十二首

第二卷

古今體六十一首

第三卷

古今體七十六首

第四卷

古今體四十一首

第五卷

古今體四十二首

第六卷

古今體九十四首

第七卷

古今體七十三首

第八卷

古今體九十首

第九卷

古今體六十五首

第十卷

古今體六十六首

第十一卷

古今體九十六首

第十二卷

古今體六十首

第十三卷

古今體五十七首

第十四卷

古今體六十三首

第十五卷

古今體六十四首

第十六卷

古今體七十三首

第十七卷

古今體五十一首

第十八卷

古今體五十二首

第十九卷

古今體一百二首

第二十卷

古今體六十五首

懷清堂集卷一

仁和湯右曾西厓

過愚溪

我讀蝨蠖傳居嘗念高危柳侯亦知道未用譏訶爲慷慨

功與名失墜差豪釐

柳詩豈知千仞墜祇爲一豪差

文墨本小道況乃工

奕碁羣小旣喧豗國事幾紛披風波一蹉跌遠逝湘水湄  
扣舷動哀吟離騷詠江蘼西山萬古色冉溪清漣漪種漆  
思南國成器詎可期三亭衰草沒故蹟誰復知茲溪非云  
愚使君失意時淥淥漱寒石清潭有餘悲我來愚溪上更

詠溪居詩

懷清堂集  
卷一  
柳子祠

丹荔遺碑字芳椒  
酌酒痕清溪自寒  
色返照入祠門種  
木風露晚結茅山水源平生靈爽在  
夜夜叫哀猿

鉛鉞潭

沿流直過西山西  
水聲激激風淒淒  
澄泓徹底不受泥  
一堆寒碧浮玻璃  
崇臺延檻望秋月  
天高氣迴忘昇棲  
千年剝蝕潭上字  
空聽落日號荒雞

曉遊朝陽巖

言尋朝陽巖烟日初弄影清暉  
媚幽姿散步得妙領連娟  
浮岫粵遠目試一騁俯瞰瀟水流  
含漪渺千頃探奇下幽



窟潛蛟舞浪井虛徐清風來蕭灑俗緣屏林梢法華寺斷  
夢淒已冷清音非絃匏吟嘯坐日永

漢陽渡

朝趨武昌城暮指漢陽樹風波出沒間一日兩回渡江邊  
老人見我熟笑我往來計真誤停辛貯苦不得言破帽青  
衫在行路既不能春風細浪沙棠舟玉簫金管坐兩頭又  
不能漁舸一葉舞空快踏浪上下隨鳧鷗乘此兩板船截  
彼萬里流千丈俯蛟室九淵跨龍湫張風無帆捩無柁一  
夫雙槳如烟浮吳兒非解水楚俗寧善泅波瀾談笑意自  
得勇若壯士挾兩輪歛忽江心翻白鼉顛風雪浪高峩峩

急雨打面如飛梭，牽船幸傍沙岸住。不爾性命隨濤波，嗚呼性命隨濤波，艱難岐路奈爾何。

黃鶴樓

金梯玉房不可求，誰跨滄海凌瀛洲。溶溶雲霧江漢上，百尺遠抱空中樓。問樓始何年，千載歲月遒。劫火燒不盡，云此仙人畱。仙人駕鴻鞞，鳳去黃鶴尙落清江頭。舒翼繡桷奔矯首，紫雲浮我來軒窗。開面面恍踏鶴背，汗漫乘風遊妙絕。般與倕斧斤窮，雕鏤象形會意儼。飛動青田萬里誰當儔，樓中羽客來丹邱。玉顏百鍊須髯修，傳聞風月最佳夜。一聲鐵笛橫清秋，潛蛟起舞老龍泣。霓旌翠旗今在不

西土亦何事來此維輕舟樓前鬢策聲樓下江水流孤雲  
飄落百蠻路仙骨未換仍羈愁

奇蘭鋪

永州西三十里有蘭生松巔叢徑丈許土人云昔有人盜之爲雷所擊道旁枯松尙存

千年屈曲虬龍枝兔絲女蘿縈繞之風霜晚晚不相保雖  
有親愛誰得知嶺南寄生叢神木萬點歲蕤攢老榭漫山  
麓俗郡足道可惜幽人在空谷藝畹從知傍水涯孤芳一  
任荒榛曲一朝下上隨天風賢哉大夫如此松移根千尺  
摩蒼穹雨露默與神靈通本榦蕃滋枝葉茂秋花淺碧春  
芽紅夜半小兒思引手空際驚霆逢鬼守道傍老樹空輪  
囷電尾煜煜燒爲薪蘭兮蘭兮性守貞木有本兮水有源

藤牽葛附爾何取縱得榮華非本根

飛鸞橋

曉起望驛堠晚飯投山村衡州十日來日苦風雨昏泥塗  
鞞鞢不得洗快心娛目誰復論朝來灘聲作雷吼雪浪遙  
齧蒼山根僕夫顧我歎中心增勞煩俄然絕境得披豁長  
橋遠跨羅水源橫亘三百尺連延二十門雲中忽投駕海  
霓潮上倏露浮天鷗憶昔行人久病涉浮梁連笳隨波翻  
萬夫徙石鎮蛟穴千鎚積鐵防鯨吞重添飛樓臨縹緲更  
架傑閣聽潺湲我來一步一移目四山蒼翠手可捫恍如  
平江風軟舳艫啣尾過下水微見舒舒旂又如康莊之道

接軫數十乘蹶張詎有犢破轅若施帷幕布瑤席便合歌  
舞行金尊天寒轉惜水勢減不及春夏看崩奔好景潛已  
移過眼那復存後山冥濛霧雨繁前山欽峯虎豹蹲憂虞  
苦多安樂少一身萬里勞心魂

自江口放船入洞庭

千山萬山斷極浦暮烟蒼然俯平楚浮空雲夢細莫數洞  
庭七百年與府日東月西相吞吐環混宇宙自振古潛蛟  
老龍蓄雲雨湘妃漢女迭歌舞我來落景巴陵東萬頃漾  
作金盆紅塔勢轟轟烟濛濛滉瀟恰得生微風斜挂帆席  
推庌篷快哉手招浮邱翁岳陽樓高翠嵌空君山螺黛盤

當中

磨崖碑

青驪蜀棧真危哉西下逝水寧東迴移軍六合卷清霽中  
興大業由天開衡山山人謁靈武魚水道合無睽乖桓桓  
忠勇李與郭手執枹鼓如霆雷姦寇滿盈神鬼怒將相和  
協功名偕金妃木母火當殪剗屠家禍誰胚胎二京收復  
凱歌入父老泣下長安街烟花紫禁列冠冕龍車鶴駕青  
春回艱難秦越共肝膽安樂骨肉相嫌猜飛龍小兒竊國  
柄表裏宮掖亂所階長慶樓空夾城閉玉房朱戶生青苔  
淒涼西內情尙爾摘瓜況自歌黃臺漫郎摘辭意深痛涪

翁弔古畱餘哀春秋史法非頌體石湖晚出空譏排平生  
兩眼熟拓本愛此片石江山隈蓬州垂老嗟遠竄歲久妙  
墨重摩揩攝衣拾級歷千尺孤亭下瞰雲濤堆撫時感舊  
增歎息啼猿落月同徘徊

我行二首

我行亂山間登頓力已勤下踏欲崩石上穿始生雲陰霾  
錯昏晝高低亂氤氳一身塗路長何由息勞筋天邊有斷  
翼哀嗚呼其羣山外啼清猿淒斷詎可聞官道人烟絕空  
見水沄沄頻年困兵戈誰戀榆與枌比者賊雖滅尙未回  
官軍

飢腸已雷鳴日暮況風雨遙望蒼山根晚橫烟一縷僕夫  
舉示我喜色上脣宇叩門乞酒漿安眠借廊廡相視但睢  
盱誰解相嗅咻懷哉佳主人逆旅心獨苦窮山多盜賊深  
夜走豺虎防身有何術微命賤如土

湘山寺二首

花雨飄寶幢微風韻塔鈴馴鴿上齋鉢老僧閒誦經客子  
入門來佛燈晚熒熒被徑蔓蘿葛聞香啟幽局法界優曇  
華三歲始一零寺有千日蓮  
三年一開落廊深苔蘚古地僻草木靈緬  
惟咸通來日月如奔霆頽然金粟老彷彿長脣青

林喧鳥知曙鐘殷寺初曉踏石穿烟霏屈曲羅翠篠暗泉



尋石罅海眼逗雲表湘流去逶迤青山明鏡繞雲重巖岫  
複水遠鳧鷗小平生慕躋攀志與禽向矯香門昨夜夢一  
去墮縹緲悵焉解纜行飛鞚尙林杪

桂林使院呈喬侍讀

漏永淒風響閣鈴語闌殘燭尙熒熒五湖南下悲身事百  
粵西來傍使星枕石本難敲處穩看花不擬醉邊醒途窮  
冑問諸侯禮歌舞筵中酒肉腥

時中丞以下皆請  
相見謝不往也

話蜀

尙餘苦熱在秋林更帶蠻溪水毒淫三峽波濤似雷吼誰  
言如線復如鍼

懷清堂集  
卷一  
六  
納涼

薄扇輕羅稱野情  
筠床筒簟有餘清  
孤懷能到古人少  
萬感盡從閒處生  
倒挽九牛真細事  
獨扛百斛亦空名  
西風取次成追憶  
鱸膾何由入旅羹

讀陸辛齋先生感事詩

寬大何來見賜租  
催科日夜下臺符  
七言字字堪揮涕  
一幅流民鄭俠圖

夜中大風雨得二絕句

巴陵南下歲將徂  
駭浪驚風走畏途  
今夜聽來孤枕上  
恍疑身又落江湖

尚有輪囷醉膽橫十年心事短歌行  
牆根老樹綠何意也  
作冰河鐵馬聲

秋月一首寄家兄

自從漢江來六見月圓缺徘徊穿房櫳  
曲折散林樾清輝豈不美可惜照離別  
攬衣步前除夜久衆星沒惟餘短牆  
下露冷草蟲咽念我同懷人踟躕待明發

跋喬石林侍讀使粵集後

使節南溟萬里長乘潮解纜興徜徉  
玉堂人物風流在泥酒遊山總不妨

桂管歸來已二年眼中歷歷舊山川  
傷心灑水關邊路一

度看詩一惘然

讀汪叔寧見詒之作兼懷令弟蛟門比部

幾時模擬笑當塗  
陶謝風流今在無  
只有韋家好兄弟  
詩如水淡見工夫

日暮散步登城西樓

積雨始晴霽欣然  
試出門斷烟生委  
巷殘照入孤村  
畦長新蔬甲池添  
舊水痕獨遊人跡  
少一一看鴉翻

雉堞參差外江湖  
俯仰中危樓坐凭  
眺秋色敞虛空渺  
渺帆檣影蕭蕭蘆  
荻風翩然幽興在  
且欲問冥鴻

寓目卽成趣荒村  
小市邊瀾漫分野  
水穉稭對秋田隔  
壟

呼牛笛歸人采芡船爲農真自樂辛苦得豐年  
歸路猶延佇佳時惜易過人投暝色去寒入袷衣多闌開  
烟中鳴陂荒雨後荷小詩聊記取有興卽高歌

別喬無功

感時無那歲崢嶸輾轉征車想去程冰合河壩狐過跡雪  
晴江上鴈歸聲異鄉兄弟依依在落日郊原莽莽平尙計  
爲君畱十日酒邊豪氣正縱橫

簡喬雲漸

淮南插脚二年住歲月過眼如迴飈蠨蛸入戶蠶繞砌時  
慰幽獨來朋交書巢風義我師友一見便歎高山高叩門

造請敢辭嬾木鐸謬與黃鐘調君真採擇及葑菲明信謂  
可羞溪毛巷南巷北燈火近舍西舍東夢寐遙酒杯茗椀  
時到我肯令三日無佳招愛君散髮臥江海風味頗似斜  
川陶平生俗事不挂眼朱黃點勘忘昏朝詩騷苦語肺腑  
出自煮何啻河魚膏昨遣髯奴致雙鯉始聞謝病收羣囂  
遙知秋堂冰雪冷鳴簷夜雨風蕭騷要從歡喜生微恙用山  
谷語吾詩聊可供談嘲湖平木脫烟水闊獨鴈叫羣天寂寥  
魚舠放浪發興極一閒脫手誰能邀少須健飯續前會三  
五同踏城西郊天公此福未吝與待放海月生烟梢

閏六月二十日王方若生日爲作長句

王郎生時六月閏到此始經三度逢乘除強弱到六曆坐  
覺儀象羅心胷古人推算法則爾爲子誇說如奇蹤君當  
招客我當賀一飲三百玻璃鍾西風初生梧策策劇暑未  
退號莎蜚海東月上聲影絕秋河一道來搖溶擘衣四顧  
莫歎息且變愁寂爲歡悰明年四十君始滿赤手往看騎  
生龍不爾南山北山裏一鋪便作躬耕農鬢鬢垂髮百歲  
母二頃亦可謀尸饗況兼兒郎好筆牘阿侯玉雪看姿容  
一生辛苦毋乃僻邠用萬戶爭先封是時我亦尋舊隱江  
南的的圍羣峯山兄漁弟足瀟灑墨塲酒地思追從短篷  
倘肯勤過我待埽花徑呼諸儂詩成放筆一大笑隣寺忽

打烟樓鐘

贈王崑繩

秋風颯颯吹驚沙橫林一抹飛霜花掩關窗戶忽已冷日  
看高樓盤棲鴉俄傳有客訪我至姓氏久遣傍人誇東陽  
大小吾所羨得一已足慰蒹葭悲歌感慨燕趙士翻與江  
左爭風華掀髯爲我論作者直從上古窮羲媧中間雅鄭  
各判別往往麗則兼淫哇蟬聯入耳意不厭妙語散出紛  
天葩君來十日未爲久造請忙似游春車我亦時過話詩  
律歸路每待微陽斜城北喬生吾好友主旣不惡賓殊嘉  
花牋小幅日名我道此篤愛無疵瑕明燈絮語似夢寐酒



杯吟卷忘天涯五更燭跋未肯住直待東海升青霞裁成  
長句貽贈我龍騰鳳翥相紛拏憑陵意氣流輩少似子筆  
力誰能加我詩委靡媿大手氣懾不振惟咨嗟畱題紙尾  
亦徒爾聊復贈行當馬過

寄汪舟次檢討

如瘖思語每掉舌如飢說食先流涎鰕生獨坐空館裏側  
想遊屐心茫然青鞵布韉性所好欲往追躡無因緣傾城  
燈前上元夜坎坎伐鼓歌喧闐待公不來踏筵舞浮江一  
舸春風顛光陰蠶市憶故國旅夢常落東南天傳聞使者  
近持節煌煌千騎來聯翩旄旄遙駐御史府笳吹時到西

湖船正逢四月五月後梅雨洗出山娟娟探幽要使單騎  
併選勝不惜衣裳褰題名山寺三百六傍人擬作飛空仙  
酒酣倒吸波底月筆落遙散風中烟鳳閣文詞新有樣翰  
林風月誰當傳歡遊自歎不同賞空憶倒載迴朱駟秋風  
初生木葉脫我欲歸埽三椽眠是時公倘未卽去便合一  
日爭千年

偶成

梅花嬌小杏花愁此段春愁了不堪一蹴輕絃雙燕子喚  
回歸夢到江南

酬潘廣文匡主見貽四首

大雅委荆榛斯人久寥落吾生苦不早心跡長寂寞窮年  
抱遺經微尙夙有托誰能導其源浩浩觀海若

海上有君子身老道益尊讀書七十年細大悉討論檀弓  
言物始獨學百不存歎息耳食子焉能窺籬藩

忠義在天下皎若行白日卓哉三四公

廣文昔與幾社陳夏及吾鄉陸陳諸

公游事載史臣筆君今老書生奮袖談一一行成稗官錄用  
以補闕逸

我昔遊吳中竊窺一語妙

廣文以事落職今復爲諸生

今茲淮南路半

面接言笑晚將零落意託契到年少張裴彼何人往事重  
憑弔

題喬子毅小照

白衣青舫得閒身  
幾曲霓裳一幅巾  
池上風流今在否  
相看已是卷中人

劫火銷沈歲月遷  
不將人事擾天全  
朱顏綠髮還如昨  
彈指過來廿八年

柘水舟中遇大雨

青天蕩蕩忽變色  
黑雲如山巉嵯立  
一條倒挂日腳明  
萬弩齊張雨點急  
時來自是風雷會  
幽處如聞鬼神集  
吾舟小比蝸牛廬  
苦怨腸飢衣更濕  
樂哉頃刻移陰晴  
雨過猶帶龍涎腥  
縱橫亂赴塘下水  
磊落已見天邊星  
蛙鳴池上

聲閣閣螢流草際光  
熒熒谿回漸近人語鬧  
依約幾點籬燈青

觀俞錦泉家樂

我醉來爲藥宮客丹梯直上三十級  
紅牙檀板才一聲珠裙美人鴈行立  
平開寶靨玉色勻小曳羅襦香氣襲  
誰其主者芙蓉仙紫衫兩部迴春妍  
雲窗霧閣到今夕絕藝一誰爭  
先白雨催來羯鼓點綠腰撚出琵琶絃  
宜春院中擲軋箏雙成應上吹和笙  
一枝鐵篴水龍吟三尺玉簫雛鳳鳴  
忽聞清音起重疊姊妹桃根復桃葉  
等閒聽出猶可憐況是蛾睂好腰褊  
歌扇新開瓊樹花舞衫舊習春風蝶

不記今宵正三五璧月中天夜巳午哀絲急管爛不收  
冑捉回鞭踏街鼓巴牋疊幅當報投更索鬪酒飛觥籌  
狂言一發驚座不欲爲越女三年畱

懷清堂集卷二

仁和湯右曾西厓

題新城王上舍園居十三首

石帆亭

渺渺雲中帆茫茫烟際水何年一片影吹入戶庭裏靜聽  
波濤喧卧看嵐翠起

樵唱軒

石脉轉嶺背樵歌出林陰詎有曠士懷自然太古音賞心  
與之遇杳杳不可尋

半偈閣

古之學道人往往耽禪悅青蓮窮妙相白足講入滅香清  
半偈餘便是阿難說

大椿軒

有目抵虢虎其精爲青羊八千紀春秋蔭此君子堂人間  
斤斧聲歲月安得長

雙松書塢

種松傍簷楹偃亞雙榦直抽蕤及春華六月結成實偃佺  
古仙人服之好顏色

小華子岡

崇岡俯透迤寒山幾縈複紅泉碧澗路永與清景逐弄月



下潺湲麻源第三谷

小善卷

何年靈境闢蒼蘚洞門古冉冉封香雲  
麤麤落花雨我愛服玉方欲往訪鍾乳

春草池

芳草條已春茸茸一池碧不知池上水清淺  
生幾尺良游愜素襟幽夢寄遙夕

三峯

誰將三芙蓉削出太華頂巖巒穿窈窕  
冰雪照清迥攬衣此孤鶩灑氣排空冥

嘯臺

琴瑟終假器笙竽止諧俗不如激清音發齒粲如玉迴風  
結流川高臺寫遺曲

石丈

丈人巖巖姿貞期邈難對風霜識本性娟好謝俗態長與  
邁軸人晚節共棲退

竹逕

捎雲出萬竿漏月穿幾箇風來戛成韻幽響日相和掃逕  
延清陰彈琴夜深坐

綠蘿書屋

靜知卅網踈淡與古言會秋堂一散帙點勘丹墨外晝長  
寂無人微風掃蘿帶

題畫

金爐三尺火微紅寶篆香銷錦帳空皓腕一拋珠鈿落回  
身斜倚玉屏風

鬢亂釵橫不上樓夜來孤夢到并州分明認得蕭關路白  
草黃沙一片秋

仲秋釋奠

海甸同文日橋門釋奠時牲牢遵舊典肸蠁肅神儀道統  
三才合儒宗百卅師器猶存俎豆祀已重壇壝律應清商

管齋先上戊期侵階開紫陛列仗擁黃麾韻欲流金石尊  
看潔象犧璆懸存虞業瑤筐薦堂基素壁畱香久靈風卷  
幔遲優如函丈接炳若日星垂醴酌思遺版車攻有舊碑  
槐陰當殿合松蓋拂雲欹仙草依幽砌文芹漾碧漪清時  
脩禮樂上相主盤匱調燮勲方大精虔意不疲丹楹浮翡  
翠碧瓦護琉璃瑞氣澄清靄祥光接曙曦淵源繼顏閔名  
德重臯夔璧水羣賢在蘭臺百籍披宗風傳絳帳家法守  
臯比吾道今安仰斯文總在茲青衿諸弟子聯袂獻聲詩

和寄家兄廣厓

七字詩來洗旅塵荆花齋閣句清新看雲白日憐狂弟

隱

雨閑宵憶古人夢裏獨歸江上路病餘最怯酒邊身何時  
真了村南約未用山堂更買隣

秋霽出行近村至湖上雜成十絕句

出郭真成爛漫遊水村隨處寄悠悠眼明初見湖邊路蒼  
莽風烟一片秋

露涼咽咽草蟲鳴素練烟消出曉晴又是碧花紅穗了一  
年秋意可憐生

敲斜幾曲入僧蹊小閣松門不厭低意在有無思一語便  
從花下捉談犀

陂湖遙隔埭西東蹋水呼來舫子通小試袷衣寒入早豆

花雨過蓼花風

幾株水柳繞荒莊雙槳停來與乞漿獨攬虛舟人跡少鷓  
鴒兩兩上魚牀

浩蕩馴鷗驗得儂平生湖海豁心胸西南一派烟波裏絕  
憶當時甯里鐘

自擘菰漿剥芡珠芳鮮到處足行厨鱠殘二寸銀絲滑可  
抵鱸魚入饌無

沿籬豆老齊舒萼貼水蘋多亂着花也自能紅復能白一  
枝笑插帽簷斜

門館蕭森護碧苔誰家亭子淨氛埃斜陽抵死催人去紅

板橋頭首重迴

點點漁燈集網師半規織月又生時  
河橋小市歸舟晚光景流連十絕詩

三月三日同錢幼鯤雨泛湖上

兩峯如髻復如鬟雨後平湖空翠閒  
修禊難逢有今日放船正好看青山  
詩壇鵝鶴全軍斂野局漁樵一席閒  
惆悵輕橈容易去不曾洗足到禪關

真州詞二首

估客高桅收江頭浪如屋一笑輕千金  
來就青樓宿密意真珠稠雙懸玳瑁鈎  
迴燈相笑語夜夜住真州

雨

點幔復侵簾更疎漏轉添稍聞涼氣入微怯曉風尖跳戶  
蛙先喜翻簷鵲試占人間惆悵意只是晚廉纖

江上感時物偶憶故鄉二首

櫻桃

我昨別家日始見含桃風梅子方生仁薔薇漸抽叢一度  
月圓缺花事倏已空嬾宜名堂堂中坐照眼櫻珠紅登之白  
角槃蒙以青絲籠渴羌本知味愛此醍醐融翻從倭墮底  
怪許勻圓同金衣佳公子日夕窺簾櫳一飽吾不許最勝  
東吳東暘溪幾萬樹謹護如守宮可憐好顏色樂府青樓



中熱思逐彈丸不借漿寒攻但恐梅雨漬蠹或生蟲

蠶豆

江南夏淺時樂事粲可數悠揚花信風霑灑豆子雨陰陰  
桑覆隴脉脉膏流土吳蠶方上蔌線絲知幾縷蠶眠豆亦  
熟農書舊曾譜青葱偶摘塍輒美初出釜西來

菴名

有禪老

分餉日卓午憐我征衫塵舊業荒老圃爐烟卷清晝坐久  
茶泛乳賴此宿醒醒口腹非小補我欲歸南山一頃種烟  
塢採擷克野庖灌溉煩地主惜哉不得往念此猶起舞

遊夏氏五里亭別業同曹武歌友萊隣湘昆季

五里亭迴得此莊萬鴉歸陣正斜陽清池蘸岍舊痕綠脩

竹滿山新粉香谷口人家常寂寂洞中喬木轉蒼蒼三千  
去路愁炎毒願借風軒六月涼

重五雜憶詩三首

閒尋舊夢八年前水閣秦淮小有天風細月華人不到茜  
紅裙上倚箏絃

寧兒掌上記初生點滴疎桐夜雨聲角黍筵將湯餅會恰  
教兩事一齊行

憶昨江風作意狂青山山下倚危檣劇憐萬里歸舟客不  
得杯黏午日黃

清流關

清流關前巖月宿行人早行車轆轤年年一片青草痕沒  
盡南唐戰場鏃

曉行

信馬閒行有底忙詩人風味野人裝旅程梁宋初飄泊離  
思秦吳正渺茫四野欲沈明遠燒五更將絕趁微涼篋中  
苦訝衣裳薄壓體如霑九月霜

汴京雜感四首

清渠照出錦帆遲千載烟楊尙作絲一樣傷心莫回首樊  
樓春酒最濃時

烽火東門萬事非打毬誰復御場衣只應花鳥無拘管尚

自年年汴水飛

休將羯鼓憶昇平  
惆悵無人空月明  
拍按師師筵上曲  
馬行燈火夢東京

連理芭蕉玉色芝  
故宮無復舊堂基  
憲王歿後風流絕  
誰寫哀音樂府詞

延津道中

悠悠疲馬出延津  
觸暑清羸旅病身  
正要薄雲成小雨  
好教官道壓遊塵  
漿思半呷村姬乞  
路失三叉野老詢  
一輛太平車子裏  
全家安樂是何人

題唐六如吳彩鸞寫唐韻圖

藥珠小謫又經年  
重疊書完九萬牋  
却笑仙家新活計也  
如人世賣文錢

題周昉妃子出浴圖

薰風殿角得微涼  
玳押冰簾困日長  
第一華清好梳掠  
晚來纔罷玉池湯

道上蝶

白汗憐方困青陵  
見似稀已遲春豔豔  
還逐夢依依弄影  
悠揚過分香晚晚  
歸迎風有紈扇切  
莫繞羅衣

秋日登吹臺

浩劫曾傳幾兵火  
此臺百尺猶嗟峨  
誰其遊者杜高李  
四

顧封中淮濟河八月九月秋景澈今人古人遺恨多草黃  
騏驥爾且病木馬不食行如何

陳昇菴招遊蘇門百泉

五更月墮天西南殘星耿耿配兩三出門風輕馬蹄快衣  
上一帶侵山嵐蘇門縣前解鈴馱困思小憩投茅菴賢侯  
東海我好友勸我劫劫姑畱驂臺符吏牘劇衡石一笑不  
問先幽探西門七里林谷繞斜日半嶺烟雲含洎漣已到  
百泉上清暉傑閣凭眈眈水妃何年此微步明珠錯落遺  
風潭千鬟萬髻作顏色太行倒插綠玉簪清泠忽聽響琴  
筑駛激更不容螺蚶吾徒解衣聊快意健筆往往兼雄談

昔者東遊過趵突與此清泚同所媿水晶盤中瀉冰雪一

勺便瘦吾猶甘

水性悍急飲之輒瘦  
居人於十里外方汲

桃竹園西得微路下

者捫壁高乘籃青山久無俗士駕白石尙有仙人函嘯臺  
鸞鳳杳何處遺訣或者畱彭聃重遊後會與誰必歸路欲  
覓觴酒酣環山三市夢應熟瞥眼一過心常貪便捷休爭  
百足虵纏裹莫作三眠蠶人生婚嫁有時畢便合夜雨同  
冥參

來安道中閔蝗詞

我聞政成蝗不災天意潛自冥冥回推原人事理可信不  
爾淮徐之民何有哉去年秋田苦蝨螾吁嗟有穀人得食

冬來大雪三尺彊猶賸遺蝗蔽天黑密不能使舉網齊遮  
邀熾不能使縱火俱燔燒農夫釋耒各歎息胼手胝足徒  
爲勞舊傳此物旱之徵澍雨一洗如秋蠅只今山川不神  
龍溺職上帝憫爾應遣油雲蒸矧今農功初良苗甫鬱鬱  
收穫及西成尙可五六月腹心雖煩憂物理有衰歇兩年  
遭旱復遭蝗此是何人任其闕勸農努力耕爾田清平官  
府才且賢

題水村圖

梅子雨過麥隴黃瓜蔓水流菰葉香江南夏淺好時節水  
村處處分新秧新秧分時蠶上蔟吳蠶結繭瑩如玉縲絲



得穀網得魚船頭醉歌船尾宿河豚欲上蘆芽生清江波  
寫鏡面平吳兒踏浪不踏土點點帆影浮空明十家五家  
矮茅屋門前烏桕樹濃綠林梢雨歇呼鶉鳩原上耕忙催  
布穀編郎唱鷓何處來青山如畫須當杯烟中微微見孤  
寺塘外隱隱聞輕雷長安三年飽塵土歸夢江鄉劇連弩  
今年久旱氣鬱蒸白汗翻漿愁卓午陸生叩門貽此圖挂  
壁似有清風俱山兄漁弟莫相笑我亦識字耕田夫

耳疾排悶五首

年踰三十一衰翁百病侵尋急箭攻牛蟻不聞差自在更  
休方法想治聾

移持雜卉傍軒楹零落真慚得地生剩有一枝紅芍藥半  
開應識主人情

急雨俄驚瀉瓦溝恰從久旱豁煩憂夢中訝許清涼境蕭  
颯陂塘五月秋

茅簷苫蓋一弓強兩面虛明八扇窗箇是儂家新活計錦  
葵石竹膽瓶雙

青綾幾度玉堂眠歸夢江鄉輒惘然第一清詩吟望處萬  
株紅藥曲闌前

沈度汪論德招集丁香花下以耳病不赴書此作答  
從教寶網奏英韶病後聞音半寂寥酒伴只思春社盞藥

畦屢夢故山苗。蹉跎勝日看花約。慚愧先生折簡招。寄語  
溫風好將護。他時還擬一攀條。

憶昨分曹角韻時。觴飛猶訝酒行遲。座中強半多吳語。江  
左由來重沈詩。豪飲更爲今日會。繁花重發去年枝。碧山  
學士何由見。去歲錢越江學士同  
飲花下今下世矣地下尊前兩寄思。

送延津趙令

嶽麓山昏黯黯天。短篷風雪洞庭船。澧蘭沅芷思公子。官  
閣紅爐十二年。

太行遙壓廩延城。帽影鞭絲我舊經。君去卷簾西閣望。瓏  
削出半天青。

送友人南歸

別酒重行簇馬蹄  
半年情好惜分攜  
春回塞北冰初坼  
人到江南柳漸齊  
一帶曉光迷鶴市  
幾灣淺水繞香溪  
美人樓閣花橋路  
待我歸尋綵筆題

懷清堂集卷三

仁和湯右曾西厓

寄侍讀喬先生

六年清夢繞江濱  
閒卻夔龍許國身  
豹尾昔陳天上事  
漁竿今作水邊人  
儒宗經術歸康濟  
汗簡文章識雅馴  
遙憶東風挑菜節  
萬條烟柳射湖春

出城西門

今晨風日伴晡曖  
淡初旭空煙散  
林端淺水明  
城曲西郊路  
纔指幽意紛  
相逐始悟塵中人  
歲月常局促  
沉冥或鑿坏  
游賞劇秉燭  
吾生迫世紛  
誰敢希高躅  
聊復謝埃壒  
堪靈

懷濟堂集 卷三  
境尋信宿

憇蘭若

寒林棲鴿午鳴鐘步履閒行冷梵宮十里蕭條黃葉路白  
楊吹盡墓田風

過八里莊道中作

始出門頭村郊路就平曠秋山忽滿眼翠色上屏障差差  
白塔影渺渺青蓮相幽討已可期諸峯入吟望

至香山寺

入林聞妙香臨流亂清影松風坐盤石孤意相與永花宮  
俯峒巖雲物入秋冷烏雀時一喧斜陽下高嶺

登香山絕頂因宿來青軒和合肥相公韻

香山古寺危峯巔飛磴欲躡無因緣今晨得到翠微頂傑  
閣千仞凭風煙四山圍合看歷歷長路放曠窮綿綿桑乾  
一綫白窈渺太行萬里青鈎連八陁地脈考圖志勝槩直  
欲吞幽燕珠宮糾殿久零落老樹詰屈根株纏舊傳兩松  
怒龍攫雷雨失一歸重淵恒河七寶緬經始中丞故石今  
誰傳明昌大定全盛日獵火夜照長圍圓齋厨歲供太倉  
米土木屢費司農錢祭星臺荒杳何處空復太乙祠神仙  
回頭逝水各陳跡風鈴簷鐸猶當年來青一軒瞰空闊女  
牆低亞藤蘿懸我來九月霜始殺萬株柿葉紅霞鮮泉聲

惺惺響下界鳥語一一聞諸天須臾煙暝月出嶺一彎眉  
嫵窺嬋娟半崑遠火出林杪中夜清磬鳴山前朝霞公今  
風雅主勝地往往畱詩篇同遊樂宋兩佳士各以秀句驅  
爭先清言啜茗足幽賞底用劇飲飛觥船頻年塵土雜夢  
寐一夕喜就山房眠明朝遍踏四百寺雙屐未到心欣然

十八盤

梯級青冥未覺難始知人事異悲歡秋風正愛縈紆路枉  
笑羊腸百八盤

水盡頭

探山避犖确踏石畏礧錯定非善遊人濟勝兩芒屨我聞



水源頭迢遞入榛薄居人導我前步步進還卻下如臨深  
淵上如梯高閣水細流涓涓沙明石鑿鑿瑣碎隕繁星高  
閣張廣幕繡若藻采披劃然斧斤削溪迴路頻轉淙琤下  
畧約再過乃得之源深流不涸得非茲山根元氣有橐籥  
或者百川水各各通海若昔聞此兩源今者瀉一壑其下  
有伏流湧出玉泉腳水清可以鑑泉甘可以勺小憇登頓  
疲徐悟游賞樂歸途穿蒙茸草樹紛枝格櫻桃花萬樹春  
來想灼灼寒林饒脫葉絕澗有墮雀濺濺水漸遠仙徑迷  
采藥回首煙霞姿麤能舉其畧

退谷

斗米食不盡八騶竟何益不如山中人歲歲挂蘿薜侍郎  
構茅亭緬想棲遯迹風流去已遠散髮待來客抗懷各飛  
沈幽意抱雲石流觴聊復爾更往理輕策

早至碧雲寺

羣山忽開豁煙破出秋曉溥露晞草根朝陽升霞表陰森  
槐徑入巖殿駕縹緲入門瀉幽泉紆直闌檻繞廓深塵漠  
漠鐘遠聲杳杳詎知困登陟臨憩已木杪晚秋落桂子敗  
葉冷荷沼四虛起孤亭碎玉響風篠徘徊冲襟寫蕭散塵  
慮少萬籟同窅然遺跡絕飛鳥

龍泉菴

盧師千年厓石古大青小青久無主飛來此地穴龍湫日出青天作雲雨池中金鯽數上聲百餘中有五色非常魚細看恐此是神物夜半欲去雷風俱

九日大風寒甚不得訪平坡秘魔諸勝

投床倦不聞齋鼓選勝行須待曉鐘夜半風聲撼茅屋朝來冷氣逼雲峯頻添白袷衣仍薄再上青山興已慵慚愧老僧爲後約可能踏雪到深冬

登楊園小樓二首

颯沓驚飈乍入林倦來還此一登臨青山依舊看如畫昨夜入山如許深

兩年曾共山翁醉脩禩風花滿習池九日今朝太蕭撼可

知榮悴不同時

乙丑丙寅兩從崑山相公脩禩于此

### 答陳藹公

圓寂懷朋交跼然喜足音况我與夫子投分蘭與金懷中  
三歲字字滅不可尋堂上張徽絃離思滿玉琴昨來到京  
國有如磁引鍼相訪朝日暉嚶嚶鳴林禽幽人去何所履  
跡青苔陰剝啄貽尺書悲商叩中林上言離別意下感搖  
落心君才老始用藏器詎不深陵谷閱變遷孤懷抱寄嶽  
至言久乃信至寶衆所欽願復忍須臾勿怨鬢雪侵窮秋  
門巷冷落葉枝欹慘遲君復來過清言戛璆琳

喬侍讀造一舟名曰雲裝煙駕之舫貽詩索和次韻

四首

書庫琴亭白傳池青蘋微動獨來時。只應細槩虛徐去。未  
用高帆美滿吹。騰上乍驚龍化速。退飛常笑鷁行遲。晚來  
波靜川如練。呼客清醪與其持。

鴨頭初漲綠漪生。節序穠華取次更。畫楫最宜三月出。豔  
歌從繞百花行。風光谷口遙相失。煙水侯家淡不爭。紅棟  
櫻桃深處泊。小浮舴艋一漚輕。

霜葉萬株屏外直。沙禽一點鏡中開。閒敲烏榜暮雲合。自  
下碧塘初雪來。夜半踏冰圍虎落。天寒分火上龍堆。何如

庠著篷窗了興到閒游興盡迴

烟際輕橈破浪紋眠鷗宿鷺一羣羣穿橋微月半規上濯  
足清流幾派分物外高寒成小築卷中冰雪得斯文蒹葭  
不盡懷人意持贈惟應寄嶺雲

王廉一新居落成招諸同年宴集賦贈

巷陌烏衣選勝偏吹笙曲洛有芝廬名都花石春高下上  
相堤沙路接連絢鳥三千朱邸月闌干十二碧城煙卿才  
公望如君少行馬門施未偶然

簾外輕寒冷戟枝霓裳三疊按歌時雲歸巫峽仙娥雨月

豔秦淮樂府詞

時演阮光祿  
春燈謎劇

密席幾回低桂燼新聲連夜

簇蠻絲使君舊有銅鞮曲好付紅兒與雪兒

送陳斑輿歸崑山

揚州富瑤琨摘落入包貢鬱爲瑚璉姿寶氣出鴻洞陳郎  
江左來文采迴殊衆圖成青海馬繡出玉牕鳳就我論詩  
言妙義寄循諷上追猗那體屹立架榱棟次寫山水音清  
冷發嘲弄西崑亦何者溫李名伯仲一一窮其源顧我媿  
區霜幽州迫殘歲行輶千里凍一詠南陔詩雲外繞歸夢  
閒曹冰雪冷別醜虛臘褻看子江鄉行翩然躡飛鞚良材  
盡用地甌石非屢空譬穿楊三葉所發必命中歸歟隱不  
腓長路此相送

自黃村歸經草橋五首

按鷹臺北接春郊信馬閒行未覺遙尺五城南好光景到  
天煙色柳條條

消息陰陽得審觀時花未訝看花難此間別有芳菲節十  
月中旬進牡丹

右安門外舊池亭別墅叅謀堂右丞今日草橋清淺水還  
畱一縷照衰興

天桃穠杏一時開上巳風光次第來尙有殿春紅芍藥連  
塍十里到豐臺

玉溪高唱繼金荃妙語何人解別傳最憶潁亭詞賦手騎



風七尺紫涇仙

題寫生豆莢圖二首

種豆何須種一區  
藤莖瓜架儘䟽蕪  
江南小筆徐崇嗣  
枉寫蜂蟬茄菜圖

恰稱行園抱甕情  
披圖風嫋一枝橫  
秋來簾閣疎疎雨  
鴨腳籬邊蟋蟀聲

寄喬石林侍讀二首

先生拂袖到滄州  
聞道雙橈日出遊  
種樹幾年知漸大  
傍湖一水更宜秋  
娟娟月吐窗中霧  
汎汎烟輕海上鷗  
自倚紅亭新篔簹  
子蚤涼天氣換歌頭

懷清堂集 卷三  
銘鍾勒鼎且由他六載雙丸似擲梭絲竹閒情足陶寫海  
山回首失風波枯碁白黑輸贏慣故紙興衰感慨何我是  
淮南舊賓客每馮清夢到巖阿

九月四日游黑龍潭作

吹夢不到城南垞衣袂忽舉風泠泠不知韁鞵落何所仙  
宮人寂晝不扃入門老鴉與人語丹粉剝落潛精靈陰森  
古柏闕三五碑石缺蝕誰所銘繚垣中有太古穴下根無  
地穿窮漠華陽黑水圻坤軸昆明劫火燒元形移來一片  
太陰色方池圓鬢凝深青羊髯有珠得豈易象乘咒鉢行  
當聽頻年畿輔困旱魃祠官牢醴畱餘馨撞鍾考鼓樹葆

羽白日往往聞驚霆只今時和雨暘若大有況絕秋田螟  
空潭寂寞九淵螿我來臨眺凭軒櫺荒坡幾畝亂鳧鴨敗  
葦彌望疑洲汀人生適意無小大疎豁坐愛風中亭國西  
山翠在眉睫塵勞如醉吹還醒長安歌舞五侯宅此地誰  
挈沙頭瓶同游欲散我亦去卻畧檻外須臾停水荳自媚  
砌前色寒蝶未退花邊翎移時啜茗雪乳汎盞杓漫自勞  
隣丁斜陽欲下理歸策回首尙帶龍涎腥

寄喬雲漸二首

遠道俄傳有報章斜封玉版認行行兩年幻出明珠翳半  
夜潛回若木光喜極屢呼賒酒券人還勸閉讀書堂一身

老去真須惜鏡裏吳絲看鬢霜

何處劉郎技入神照來秋水復雙清光從銀海波中覓影  
自金篦刮處生藥物開州張太祝方書陽里鄭康成思君  
九月黃花節作意看花分外明

水廊絕句

池枯荷葉井凋桐橙子舒黃柿吐紅水檻自行還自立作  
寒一陣撲簾風

和沈南疑移家都下詩次韻

老松十圍埋雪霰神龍咫尺蟠沙泥人生遇合詎可料四  
時擾擾空輪蹄嗟哉吳興沈夫子四十尙困鹽與齋往年

同舉京兆試雪粒散落收稗穉衰蘆颯颯咽朔雁宵夢喔  
喔思吳雞君歸卜築五湖曲志士不厭山深棲重來說經  
過太學侏儒囊粟愁顏低我聞卷阿詠吉士朝陽瑞羽鳴  
萃萋由來難嫁必傾國美人天采爭春蕙君才於世合致  
用未怨赤腳嗟跛奚三塗八難累豈免何肉往往同周妻  
君家兒郎三玉雪豐盈已露顏角犀瑤琨箇籥人包貢吾  
言左券非無稽秋窗獨樹弄明月句法一律提昌黎於菟  
文采萬人敵隻手便拉赤豹麕洛城數間足瀟灑渭濱干  
畝無町畦朱絲瑤瑟薦清廟閭闔傾聽鈞天迷坐奏雲門  
戛韶石詎得玩世歌簡兮

懷清堂集 卷三  
九日登慈仁寺毘盧閣

大海一粟浮神鼇平地湧出無波濤  
鯁生蚤衰困筋力風駕兩腋嵬嵬高  
危闌望到飛鳥沒細與鷹眼爭秋毫  
豁然四虛倚空闊下睇萬木環周遭  
車馳馬驟漲塵底始信物外容吾曹  
蓐收西行欲弭節坐覺歲月流滔滔  
霜清日薄作重九來此佛寺持松醪  
先賢故事試續說五經逸字誰題餒

晚過妙光閣

披蘚香門八穿雲小閣登松間耿殘  
照天外刷秋鷹勝節清游數流年百  
感增西風重九日吹灑酒三升

送金道州令平山

團團窺青冥漫漫覆后土武功太白去三百鄴杜城南離  
尺五手摩日月凌星辰下噓爲風潤爲雨人生宦跡風中  
籜遠者憂虞近者樂往年萬里柳州祠瘴霧漫天愁插腳  
歸來騎馬古邠州仍持手版謁督郵邊居蕭條窮邑冷四  
年掣電驚回頭今秋得邑踰嶺海意外誰遣臺符畱樂哉  
新垂畿縣綬馮翊扶風關左右邊沙慘淡會見無蠻雨沈  
冥猶記否故人置酒行送君君才磊落志軼羣豐車肥馬  
何足云往操鄭刀攜宋斤君不見滹沱之南恒岳背一縷  
遙接垂天雲

題敦好堂集後三首

書郎家世盡凌煙更有才名萬口傳  
年少承恩知第一每從扈從奏甘泉

卜築名園傍上林承宮連閣對千尋  
盡羅星宿看文雅別遣風雲入賦心

淶水亭西脆管哀先生賓閣爲重開  
座中應有邯鄲竺歎息天人未易才

題徐電發檢討楓江漁父圖二首

愛君雅頌倚那手閒向煙波理釣絲  
一片悠悠暮江色蓼紅蘋白月黃時



泛泛眠鷗漾浴鳧華輶雖小稱菰蘆卻將秀嶺仙巖意併  
作秋江靜釣圖

八月十二夜月下訪俞陳芳病起用呂山澗韻

東隣有佳人機杼響空巷文頭巧圖繡妙手生妍狀朝來  
雙蛾顰忍病辭不放雁鴻初起勢風裏斷干丈旁觀皆歎  
息謂子衆人望詎識達者心一笑齊得喪古匳澀苔紋泣  
露冷花常呂侯千金字宮徵各諧暢譬如假高衢偏仄見  
坦蕩君還作才語我已得詩樣詼嘲雜風月脫畧忘禮讓  
平生述作意邱壑有微尙盃行再三論興已寄霞上

明日陳芳以對月枉寄一首見貽依韻奉荅

年來飛雨散西東。歌舞歡場似夢中。才子蚤知眉最白。佳人容易頰銷紅。病餘氣尚飛騰在。醉後詞猶顧盼雄。領取平秋月三五。故穿窈窕入簾櫳。

送翁康貽南歸

金明池路杏花叢。兄弟歡遊約畧同。零雨散時人欲別。故山遮處夢還通。百年騷雅晴軒筆。六月虛涼水閣風。一樣恩袍爛銀色。羨君歸著北堂中。

寄懷陸履貞表弟

別來三見歲堂堂。良訊封題日幾行。薄病定知新健在。雅詩未害遠分將。香生藝苑芸爲局。價出連城玉有坊。不墜

風流端賴汝底須飲酌笑諸郎

燭花二首

忽漫花如笑真將愁作籠無情拋玉腕有恨帶金蟲  
燄吐  
熒熒碧光搖薄薄紅相看始遙夜莫怨曉矐聰

作意開何事關情有隱憂隨風飄別館和雨暗空樓  
心冑  
煎熬減啼因點滴休剪刀聲最苦淒絕是清秋

送梁藥亭歸南海

圖牒不到羅浮巔中有雲氣相鈎連  
瑶宮璇房七十二造  
幽屐齒無因緣愛君架屋此中住  
便作平地飛空仙烟霞  
蕭灑入骨相風雨離合來詩篇  
去年走馬到京邑春官名

字人爭傳楞伽一本學士院晚入不看前堦輒宣武門西  
得小築手置花石爭春妍卷簾烟穗上裊裊倚盃月色流  
娟娟長安騶呼滿廣陌高車大馬交喧闐相如謝病杜門  
臥時與文士窮丹鉛我生於世百無好默坐兀兀枯僧瓊  
窮秋落葉記送子古藤老屋風霜穿燈青火冷共聯句  
風鯨浪遮南天五年回首等夢寐萬事過眼真雲烟春風  
一枝同砌植猥以蓬艾隨芳荃詩書臭味自夙昔文字嗜  
好猶當年豪唼始知筆有力痛飲那顧囊無錢人生蹤跡  
劇過雨一尊別酒仍花前大官未賜百索軸長路已捉蟠  
桃鞭到家五月六月節四山荔子紅無邊歸攜詞客陳與

屈美人一曲尋花田故交隔越霄漢外欲往遠道愁連千  
唯當作書勤報我更寄仙蝶飛翩翩

柬王石谷

岐薛諸王賓友俱右丞名跡貴傾都君從劫火傳家法願  
乞山居農作圖

顧伊在侍郎巡撫河南寄贈四首

喜傳尺一日華東道路歌呼遠近同關內流移方在洛天  
邊霖雨正思公淇園便下千竿竹少室還棲百尺桐憂國  
定須康濟手挽將八節應條風

聞命纔爲宿夕畱圖書一卷歷輕郵江湖衝雪浮單舸鼓

角驅風笑八騶儒者有人方大用太平無事更何求冰心  
一片嵩陽月遙挂青冥萬里秋

廿載談經朶殿開尚畱三禮在容臺 主恩特賜旌旄出  
民困從蘇召杜來得士水南兼水北濟時公望復公才穿  
花豹尾清吟路憶到梁園日幾迴

文章楊葉記三穿才子承家最少年猥以通門隨麈尾每  
畱小飲到花前浮沈自笑三千牘搖襞虛勞九萬箋只待  
公還秉元化中和有頌願雕鐫

題黃硯芝中允黃山采芝圖

夜槌靈鼓游江邊四十七瀨波聒天平生常笑酈道元黃

山勝絕脫不編搜剔異境誰最先夸娥巨靈知孰賢天都  
巉巖逼星躔雲海下幕變化嬾我夢欲往塵勞牽披圖恍  
惚置我前劃然翠壁千仞懸好山不斷來連連中有百道  
丹砂泉異花香草金碧聯枸杞夜吠龍蛇纏松根茯苓忘  
歲年春陽濯濯萬色鮮濃綠畫出脩眉娟高原下隰暄且  
妍行歌樵客花駕肩中間忽置萬頃田桃花茅屋飄紅煙  
短轅車子小烏犍雞豚散出村東偏門外淺水浮漪漣內  
有至人談妙玄秀峯往往規巨然花竹閒出案與筌問誰  
作者形神全王郎妙擅秋豪顛江夏才子人中仙屬寫此  
圖暢幽悃永嘉開鑿意所便天台石梁跨蕊淵方瞳綠髮

疑偃佺道衣瀟灑迴風褰奴背古音囊五絃巾箱或貯金  
簡篇玉堂鈴索厭八甄愛此寂靜山中眠他年追遊許攀  
緣采藥便從葛稚川

三月十八日過海棠院花將敗矣用東坡定惠院東  
海棠詩韻同山劉讓水次厚作

閒坊無事疏草木欲飯青精餌黃獨花時日日宜出游敗  
意生憎阿戎俗慈仁海棠春似錦鈿車不減馳金谷我來  
幾日顛風吹玉雪兩株敲佛屋燕宮遨頭數往事游騎清  
歌兼竹肉紅潮乍退粉態勻宿醉殘妝看未足一株已占  
春一國窈窕況逢雙女淑幽昏偶桂爾何人念此真令一



捧腹故人相邀共題句詩爭奇葩字瘠竹林檜木瓜徒浪  
傳肯令貴耳不信目嬌紅暈紫眼未見浣花詩老虛畱蜀  
東坡妙語傳瘴鄉如刷伏鸞梳隱鷓古來尤物知者少豈  
獨孤芳委榛曲對花歎息花無言萬感茫茫仍撥觸

夢兒在官感成四首

耿耿燈殘燄沉沉夜向冥似聞風颯沓應識爾精靈噩夢  
昏常亂哀魂感易醒最憐身老大妙士手書銘

嬌小初來日憐渠尙鬪強豈知蟲蠹葉不耐草飛霜醫藥  
遲真悔平生想若狂枕邊猶髣髴還捉舊衣裳

念我淪飄久從知教督疎門衰真賴汝年小卽知書下筆

能驚座清言數起余硬黃臨故帖墨瀋尙如初  
老驥心空壯童烏淚不乾我衰三月劇汝死一門單骨月  
分張痛文章付託難失珠驚覺後慟絕撫遺棺

題喬石林侍讀萬里歸舟圖三首

采得鮫珠自百蠻春帆幾幅白雲間清江朝暮畫簾捲下  
上數峯如髻鬟

九疑山深猿亂啼南嶽廟前烏欲栖孤城杳靄一聲角湘  
水潏潏浮玻璃

猶記春流倚艣枝六千里外得歸遲此中大有題詩客夜  
半唐亭舉火時

題青溪釣隱圖三首

七里灘邊正落暉  
漁歌遙唱晚天歸  
戴公山下秋風路  
黃葉人家住翠微

好景婆娑日數迴  
江山幾疊翠屏開  
煙波盡處暮潮落  
恐有片帆天際來

知君摩詰是前身  
畫裏詩中兩逼真  
一片江天好吟思  
千秋長傍釣臺人

送俞蒼文二首

忽漫攀條悵遠行  
杏花寒食數歸程  
分明仍在廬江驛  
同

聽淋浪夜雨聲

予已未曾畱懷  
寧傳舍十日

澄江如練謝家詩千載風流入夢思君是後來稱獨步合  
應題在小孤祠

贈歌者時郎

雕闌屈曲上花鈎行遍花陰迴自愁聽出一聲新樂府始  
知江左最風流

妙絕南朝瓊樹詞空餘宰相寫烏絲秦淮三月花如雪一  
曲斷腸誰得知

三年隋苑鬪繁華定子當筵醉臉斜水調莫歌歌最苦雷  
塘幾畝野田花

梨花著雨淡生春小閣濃香撥一尊莫向湘南唱紅豆絃

凝管咽欲銷竟

琵琶箏笛等閒空  
蕭寺房廊夜夜風  
憶得扇紈零雨別  
幾回惆悵蠟鐙紅

除夜二首

眼看小歲又嶙峋  
疊鼓喧喧動四隣  
松燎桃符千里夢  
朱衣畫袴五陵人  
細思勝事隨年減  
默數清遊入夜頻  
長信新聞遺詔下  
更無帖子寫宜春

遲回節物每驚嗟  
垂盡真憐赴壑蛇  
先飲屠蘇非少日  
浪書鬱壘向天涯  
醉從司命爭阿堵  
癡憶添丁舞髻了  
準備歸鞍到江路  
小紅剛放一枝花